

Ալբերտ Բեգջանեանի տիկնիկային ներկայացումը՝ Իրանի «ՄՈՒՄԱՐԱՔ» փառատօնում

Չորեքշաբթի, 10 Օգոստոսի 2016 10:20



Չեխովի «Շնիկով կինը», որը Ալբերտ Բեգջանեանի ձեռակերպմամբ պատրաստուել է տիկնիկային խաղարկութեան ձեռաչափերին համապատասխան, բեմականացուելու է Իրանի «Մոբարաք» տիկնիկային փառատօնում:

Ալբերտ Բեգջանեանը «ԱԼԻՔ»-ին յայտնեց նաեւ, որ «Ճամբրուկն ու փիսօ՝ շնիկը» իր առաջին ռեժիսորական փորձն է Իրանում, որի համար չի թաքցնում իր ուրախութիւնը:

«ԱԼԻՔ» - Չեխովի «Շնիկով կինը», որը Ալբերտ Բեգջանեանի ձեռակերպմամբ պատրաստուել է տիկնիկային խաղարկութեան ձեռաչափերին համապատասխան, բեմականացուելու է Իրանի «Մոբարաք» տիկնիկային փառատօնում:

Ալբերտ Բեգջանեանը «ԱԼԻՔ»-ին յայտնեց նաեւ, որ «Ճամբրուկն ու փիսօ՝ շնիկը» իր առաջին ռեժիսորական փորձն է Իրանում, որի համար չի թաքցնում իր ուրախութիւնը: Նա յաւելեց նաեւ, որ Չեխովի «Շնիկով կինը» պատմածքի հիման վրայ գրած՝ «Եալտայի խաղը» ներկայացումն իր եւ ռեժիսոր Լեւոն

Հաֆթուանի ջանքերով բեմ բարձրացաւ, որն հանդիսատեսի գնահատանքին արժանացաւ:

Նա այս մասին խօսելով, նշեց նաեւ, որ «Շնիկով կինը» պատմածքի հետքերով տարած դժուար էր այլ ուղղութիւններով գնալ, այդ իսկ պատճառով «Մոբարաք» փառատօնի մասին մտածելիս դարձեալ այդ գործն էր սեղանին, որպէս հիմնական թեմա:

Ալբերտ Բեգջանեանը խօսելով ժանրային իւրայատկութիւնների մասին յայտնեց, որ կիրարւած ձեւը կապւած տիկնիկների ներկայացման եւ խաղարկման հետ ճանաչւած է «ՄԱՐԾ» անունով եւ չպէտք է շփոթել այն «Մարիոնետ»-ի հետ:

«Եալտայի խաղը» ներկայացման պրոդիւսերն յաւելեց նաեւ, որ Իրանի «Մոբարաք» փառատօնի ընթացքը կարելի է գնահատել դրական, յատկապէս Մարզիէ Բորումանդի ստանձնած պատասխանատւութիւնից յետոյ: Ալբերտը «Մոբարաքը» համեմատելով միւս երկրներում տեղի ունեցած փառատօների հետ, այն մակարդակով առաւել բարձր հարթակ է համարում: Ալբերտը մինչեւ իր սեփական գործի բեմ բարձրացնելը զբաղւել է իրանական, ինչպէս նաեւ հայաստանեան թատերախմբերին երկու երկրների փառատօներ ուղարկելու աշխատանքներով: Իր իսկ ասութեամբ, ռեժիսորի կարգավիճակում աւելի հեշտ է կարող պատկերացնել բեմական տեխնիկայի ու դրա տեղաշարժի հնարաւորութեան մասին, որով նաեւ կարելի է գործը ներկայացնել արտասահմանեան փառատօներին:

«Ճամբրուկն ու փիսօ՝ շնիկը» տիկնիկները բեմ են դուրս գալու Ֆահիմէ Աբեդինիի եւ Ռեզա Մալեքիի դերակատարութեամբ: Իսկ տիկնիկների պատրաստման գործը վստահւել է Անի Իսաղուլեանին:

-) [Ալբերտ Բեգջանեան](#)
-) [տիկնիկային թատրոն](#)